

ADMODUM REVERENDO , PRÆNOBILI , AC  
AMPLISSIMO DOMINO D.  
PAULO THEODORO  
ROBERTZ

Juris utriusque Doctōri , Protho-Notario  
Apostolico , nec non illustris ad S. Gereonem  
Colon. ac insignis ad S. Adalbertum  
Aquisgran. Collegiatarum Ecclesiarum re-  
spectivè Præposito , & Canonico Capitulari,  
nec non Reverendissimi & Serenissimorum  
Archi-Episcopi ac Principum Electorum Co-  
loniēsis & Palatini , &c. in Spiritualibus  
Consiliario, &c. Cognato suo colendissimo.

*Admodum Reverende , Prænobilis ac  
Amplissime Domine, &c. &c.*

**Q**Uæ fuit olim mundi miseranda facies , quando laxatis nubi-  
um cataractis immane pluviarum agmen ( ut cum Poëtis  
loquar ) universos, quàm latè patent , terrarum campos in-

D E D I C A T I O .

undavit, ea nunc esse Christiani Orbis videtur effigies, *PRÆNOBILIS, AMPLISSIMEQUE DOMINE*; quis enim non videat novo mundum catacligmo inundari, dum funestissimo tumultuum bellicorum diluvio totus penè Christianus Orbis tumulatus ingemiscit; ut enim illo temporum acerbo statu emissus ille aquarum exercitus raptis violenter obicibus immanem undique rerum creatarum stragem invehebat, grassabatur in fata, sæviebat in prata, rapiebat cum populis Urbes, cum Urbibus Regna absorbebat, ita etiamnum hodie totus ferme Europæus Orbis atque imprimis illa superioribus sæculis florentissima *GERMANIÆ, POLONIÆ, GALLIÆQUE* Regna turbulentissimis eheu! bellorum fluctibus immerfa penitus ac conssepulta jacent: quot non prò dolor! luctuosa Urbium funera, quot noni Oppidorum Arciumque cadavera flore pristino destituta suo in fœtore squallentia hoc tristi pelago ad moerorem circumferuntur! quæ nunc demum est Regio, quæ Provincia, quæ non aut planè nutet, aut certè præsentissimam fatiscentis Reipublicæ suæ ruinam non vereatur? Sola sola (quæ Superis laus sit) hos inter Decumanos fluctus Petri Navicula imperterrita atque inconcussa navigat, tum quòd auspiciatissimo *CLEMENTIS* Undecimi Archithalassi Opt. Max. gaudet gubernaculo, tum quòd optatissimis *CONCORDIÆ* Zephyxis mados inter Militiæ turbines placidissimâ fertur Malaciâ alcyoniæ tranquillitatis: Quanquam tamen universus propè Europæus Orbis funestif-

## DEDICATIO.

æstissimo tumultuum bellicorum diluvio immerfus squallet, ecce tibi [quod utinam fausti ominis loco accipere liceat] dum Urbium suarum stragem deplorat *GERMANIA*, dum furiosis Civiliū factionum undis scædè laceratur *POLONIA*, dum impendentem Vertici suo turbinem præsentificat *GALLIA*, ecce tibi albicante iterum serenâque fronte in lucem prodit *COLUMBA CONCORDIÆ CONCORDATA* scilicet *INCLYTÆ NATIONIS GERMANICÆ* Regnorumque *POLONIÆ, GALLIÆQUE*. At verò, cùm in hac tragica tempestate Rerum, in hoc funesto bellorum diluvio nusquam terrarum locum inveniat; ubi requiescere, ubi vel pedem figere tutò queat, fugit ad *ARCAM* Aramque tuam, Prænobilis Amplissimeque Domine, sive quòd Amplissimo Authoritatis tuæ Patrocinio ceu quodam *PAULI* Gladio eam tutari queas, ac contra quosvis Accipitres vindicare; sive quòd Oleam suam tibi potius jure debito præsentandam dedicandamque arbitretur: & verò ad cujus manus *CANONES HOSCE BENEFICIARIOS* deponat potius quam ad *TUAS* qui Perillustris Collegiæ Gereoniticæ intra Coloniam non modo *CANONICUS CAPITULARIS* sed & Juris Civilis Sacrorumque *CANONUM* Doctor es *CONSULTISSIMUS*, cujus Consilia geminæ Serenissimorum Principum Electorum Aulæ non semel & audiverunt & probaverunt, cujus sapientiam dexteritatemque variæ in Spiritualibus Commissiones ab altedictis Principibus nec non ab Illustrissimo ac Reverendissimo Domino *JOANNE HENRI.*

DEDICATIO.

*HENRICO DE ANETHAN EPISCOPO HIEREPOLITANO SUFFRAGANEO COLONIENSI, &c. &c.* [cui pariter à Consiliis multo tempore summa cum laude fuisti] demandatæ, Successu felicissimo expeditæ palam etiamnum loquuntur.

Accipe igitur *COLUMBAM CONCORDIÆ* ( *CONCORDATA GERMANIÆ, POLONIÆ, GALLIÆQUE* ) hoc turbulento bellorum diluvio explicatis ad te alis confugientem gaudet illa nullo alio requiescere loco quàm sub Pileo tuo Prothonotoriali. Accipe *PRAVIN BENEFICIARIAM* perquam benefice Domine, fove illam gremio Amplitudinis, Authoritatis tuæ Clypeo illam defende, meque affectibus favoribusque tuis perquam gratiosis prosequere, qui sum & maneo

Cognatus tuus & Servus  
obsequiosissimus

*COLONIÆ Ubiorum 1704.*  
*31. Maji.*

ENGELBERTUS THEODORUS KINCHIUS  
Bibliopola Colonienfis,